



Tuhaayakhaq

Qillaminuaq Tuhaqtitauyukhaq

Ministangit aulatitiliqtun atuqtukharnik nutqaqtitililakniaqtun anguniarutikharnik Qikiqtaaluk Tuktuutainik

IQALUIT, Nunavut (Ubluirvia 19, 2014) – Nunavut Kavaman ublumi uqaqpakhimayut nutqaqtitililakniaqtun anguniarutikharnik Qikiqtaaluk Tuktuutainik aulaniaqtun Ubluqtuhirvia 1, 2015mi. 2014mi, Avatiliqiyikkut aulatitivakhimayut tingminmik atuqhutik ihivriuqpaktun tamaat Qikiqtaaluk nunangani tuktunik aulaviinik. Kaffiqtuqhutik ihivriuqpakhutikl, naunairutiit ihivriuqnikkut tautuktitiyut amigaitilaaqnik 5 tausinik tuktungnik Qikiqtaalukmi. Taima 90nik 95mun pusanmik ikikliyumiqhimaliktun talvanga 1990mi amigaitilaanganin nallautigiikhimayunik.

“Ukuat amigiyauyukhat nampangit aulayugaluit uqaqhimayaingit Qikiqtaalungnin anguniaqtinin uqautigivaktainik,” uqallaktuq Johnny Mike, Ministauyuq Avatiliqiyikkutni. “Una amigiyauyukhaq qillaminuaq, Nunavut Kavamanlu akhuqhutik havakhimaaliqtun munagiyaangat Qikiqtaalukmik tuktuutaingit. Una ilaqagiiklutik munagiyauyukhaq, havaqatigiliqtavutlu munagiyukharnik ilagiikluta, anguniaqtinik, nunalaangitlu iniqtigiyaangat upalungairutikharnik taima hivuniraalukmun munagidjutikharnik Qikiqtaaluk tuktuutainik hivuniptingni atuqtakharnik.”

Tamna nutqaqtitililakniaqtun anguniarutikharnik aulaniaqtuq hivuniraalukmi tuhaqtitautinahi. Hivuniraalukmi munagidjutikharnik uktuutikharnik pivallialiktun malikhautitigun uumayuliqiyikkut munaqtiuniaqtunlu naunaiyagiikhimayut talvani *Nunavut Angirutaini* (NLCA).

“*Avatittinnik Kamatsiarniq*, pittiaqniq munaginir lu nunamik, huraadjaniq avatinirmunlu, hivulliqtiriyyuq pitquhiptingni ihumagiyauyuni ilihimayaptingniklu. Inuit pittiaagiinaqpaktaangit pitquhigiyaainik aulaviingit tuktut, aulayumiklu ilauqaliqtugut atuqtauhimaaqtunik hadja hunavaluit ingilrutiit nunaptingni,” uqallaktuq Minista Mike. “Pittiaqhimaatlugu una nutqaqtitililakniaqtun anguniarutikharnik akhuqnaqtuq taima Qikiqtaaluk tuktuutaingit amigaiqyumigiangani.”

Malikhautitigun talvani Naunaitkutim Iluani 5.3.24mi talvani ituq NLCA-mi, “amingnaqtumi nallunaqtuniklu atuqtakharni” tamna Ministauyuq Avatiliqiyikkutni

